

ikajuttigedluta sanginikatsiavugut.

Pitjutaujuit

Labradorimi Inuit Nunamik Satusaijet AngiKatigegutinga

Iluingadlugit nunamik satusaijet angiKatigegutinga nutânguvuk angiKatigegutiudluni pivitsaKattisijuk NunaKakKâsimajunik katingajinik tukisinatsiatillugit uKausilet nunanik, pivianattunik ammalu namminik kavamaKagiamut pivitsaujunik. Nunamik satusaijet angiKatigegutingit angittausimavut pikKujatsasuatigut paigijaukKulugit.

Labradorimi Inuit nunamik NunaKakKâsimajuit pivitsangit ammalu atinga iluani nunamik taggâni Labradorimevuk ammalu taggâni kitâni Quebeciup. Labradorimi Inuit atitâgilautsimangilat angiKatigegutinik British kavamanganut ubvalu, kisiani mânnaulittuk, nutâmik angiKatigegutimik ubvalu nunamik satusaijet angiKatigegutinganik kavamangalu Canadaup ubvalu kavamangalu Newfoundland Labradoriullu.

Iluingadlugit nunamik satusaijet satusainingit pigiasisimavut unuttunik akKutiKadlutik: Tungavitsak AngiKatigegutikkut, Pijagellagingitumik AngiKatigegutik, Pijagellagittumik AngiKatigegutik AtuliaKititsinillu. November 1990-mi, kavamanga Newfoundland Labradoriullu, kavamanga Canadaup ammalu Labradorimi Inuit katutjiKatigenninga (LIA) angiKatigesimajut sivullipâmik atitâgidlutik Tungavitsamik AngiKatigegutimik sakKititsijumik piusitsaujunik ammalu sunait satusattaugiaKammangâta. katimajiuKatiget atitâgisimavut Labradorimi Inuit Pijagellagingitumik AngiKatigegutimik (AIP) June 2001-mi. AIP sakKititsiniattilugu tungavitsaujunik satusainitsangitigut Labradorimi Inuit Nunamik Satusaijet AngiKatigegutinganik (AngiKatigegutik). Satusaisimavut AngiKatigegutimik atitâginiattilugit Augos 29, 2003-mi.



Asingititut NunaKakKâsimajuit pivitsangit Labradorimi Inuit pitaKavut nunanik imanillu uKautaujunik nunalinni taggâni kitâni Quebeciup ammalu atajuit imappinut, AngiKatigegutik pigunnatitsivuk pijagellagittumik angiKatigellutik NunaKakKâsimajuit pivitsanginnik Labradorimi Inuit Canadami, ammalu âkKisuisimavut pivitsanginnik Labradorimi Inuit ilitagijaujuit ammalu angittausimavut allatausimajumi 35 *Pikkujatsasuak Maligatsami, 1982-mi*. Sulijumik namminiKagiamik nunanik ammalu Kanuk aulataujutsaumangât

ÂkKIGIATTAUSOT

makitatsiajunik avatinik pivalliajutitsanik ammalu kenaujaliugutitsanik. Pijagettaunitsangit nunamik satusainet piusiumititsiniakKut akuninut kenaujaliugutitsanik ammalu inulimât pivalliaunaingit prâvinsimi ammalu aittuigunnaluni namminik nâmmatunik ammalu kenaujaliugiamik, inuttigut, ilusituKatigut ammalu kavamatigut pivallianitsangit Labradorimi Inuit.

Ilagiallugu AngiKatigellagigutik, katimajiuKatiget pijagesimavut unuttunik ilingajunik angiKatigegutimmut, ilautillugut: AtuliaKititsinitsak Pannaigutik, kenaujatigut AngiKatigegutik, Namminik kenaujatigut AngiKatigegutik, Tâkset kamagijaugiamut AngiKatigegutik ammalu nunait Ilagiagutimmi. Canada ammalu LIA satusaiKatigesimavut Sagvatausimajut Nunait Attutaunitsanginnut ammalu Ikajuttaugutet AngiKatigegutinga ilingajuk Torngait KakKasuanginni Sagvatausimajunik Nunanik. Canada ammalu Newfoundland Labradorilu satusaiKatigesimavut nunanik aittuigiamik angiKatigegutimmik taitsumani nunait aittotaulâmmata Canadami ilingatillugit sakKititsigiamut Torngait KakKasuanginni Sagvatausimajunik Nunanik.

Augos 2003-mi atitâginingit AngiKatigegutimmik angajukKângit satusaijet atunit katimajiuunit takutitsivut pigianninganik Inuit Kângiutittisigiamut piusitsaujunik. Kângiutittisigiamut katimajet sakKititauniadlutik, inuinnaudlutik, prâvinsimi ammalu federal kavamanganit tilitsisimadlutik, ammalu immigojumik itsivautaKadlutik. katimajet kamagiaKalaukKut pivalliaunitsangit Angnigusuttet AtitauKatinga Inuit angnigusunnisanginnut, pititsigunnadlutik angnigusuttusait pivitsaKattidlugit Kaujimattitautsianitsangit ammalu piusitsaujunik Kângiutittisigiamut angnigusunnisamik AngiKatigegutimmik. Mai 26, 2004-mi Labradorimi Inuit angnigusuniadlutik 76 %-tet ikajutsidlutik AngiKatigegutimmik, 86.5%-tingit angnigusugiattusimatillugit.

katimajingit Newfoundland Labradorimilu Illusuangani KângiutittisimalaukKut prâvinsiup maligatsaliupvingani December 6, 2004-mi aittuidlutik atuttaugunnasiKullugit *Labradorimi Inuit Nunamik Satusaijet*

*AngiKatigegutingata Maligatsanga. Maligatsak Pimmagittumik
AngittausimalaukKut taitsumanitsainak.*

Federal kavamanga atuttisigiasinitsanganut AngiKatigennimik
atuinnaguttauvuk Canadaup kavamanganut aititaukKulugu.

AngiKatigegutik atuttaugiasilâkKuk ullusangani uKautautuappat kavamanut.

Januar 12, 2005 âkKigiattausok